

Partido AVP a entrega keho na Ministerio Publico relaciona cu e caso di e tres Dominicananan:

Minister Rudy Croes no ta papia berdad!



ORANJESTAD (AAN)— Lider di partido AVP, mr. Mike Eman a manifesta den rueda di prensa semanal cu diabierna cu a pasa, e partido berde a haci un bishita oficial cerca e consul di Republica Dominicana pa expresa nan preocupacion cu locual ta tumando lugar cu e tres damanan hoben cu a ser treci Aruba door di partido MEP y despues a haya nan mes confronta cu menaza, intimidacion.

A subraya cu tambe te hasta a sali na cla exigencianan di un posicion cu ta cay bao di leyman severo penal, den cual, na nan parecer ta involvi directamente e Minister di Husticia cu a duna e permiso pa esaki.

Segun Eman, ayera nan a keda di bay Ministerio Publico y nan no lo haci esaki si nan no tin indicacionnan sumamente fuerte cu aki ta trata di un campaña sistematico di partido MEP,

di Minister Rudy Croes y pa cual tambe nan ta pone responsable Minister Presidente, Sr. Nelson Oduber.

“Ta imposible cu nos cu ta cana den nos pueblo, por a scucha y mira e desaroyo aki, ta imposible pa kere cu Prome Minister Nelson Oduber no ta na altura di e campaña orchestra aki caminda cu integrantenan di partido MEP ta bishita

imigrantenan na Aruba y ta ofrece nan, estadia, permisionan pa familiarnan por bin Aruba en cambio di e voto, den caso cu ya caba e famianan cu ta estableci na Aruba tin e nacionalidad hulandes. Esaki ta un acto criminal y banda di esaki tambe, e ta bira peor ainda ora cu dirigentenan, miembronan di partido MEP ta haci un viahe pa Santo Domingo pa busca tres persona pa bin

Aruba y ta trece nan bao di e condicionnan cu a worde publica den medionan di comunicacion”.

Pa e motibo anterior, partido AVP ta bay haci un denuncia riba esaki refiriendo na e

hecho cu tur locual Minister Rudy Croes a bisa ariba e tema aki, simplemente no ta berdad y ta pa camufla un acto serio cu ta tumando lugar na e momentonan aki.

Dos homber den camber di muher

ORANJESTAD (AAN): Na un bar situa na San Nicolas a surgi problema entre bishitante y un muher, kende ta eherce e profesion mas bieu na mundo.

Tabata den oranan di anochi presencia di polis a worde solicita pa atende siguiente caso. Na yegada di e unidad policial, agentenan a topa un grupo di hende homber. Un di e hombernan cu no kier a identifica su mes, y el a declara cu e ta den compania di un amigo. Nan dos a dicidi di haci uso di servicio di un muher di bida.

E muher a bay di acuerdo di estilo di ménage a trois, “dame dos”.

Pero na caminda di e rato di placer, uno a “logra”, pero y e otro a keda na “mitar caminda”.

Esun cu a keda na mitar no a keda contento y a exige su placa back. Na dado momento e amigo malcontento a bay cu celular di e muher.

E muher di bida na su turno a bati alarma cerca su coleganan, nan a core tras di e homber y a haye.

Mientras tanto, e amigo amarga a laga sa cu pa casualidad el a bay cu e celular. Pero ambos amigo a laga sa cu nunca mas nan no bishita e muher of e localidad mas.

NO TA TUR HERO TA FRUSTIA!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

Presher
Sprayer
Afl. 45,=

